

**“O‘zbekiston Respublikasi Tashqi iqtisodiy faoliyat Milliy banki” aksiyadorlik jamiyati
Toyloq bank xizmatlari ofisi**

YIG‘ILISH BAYONI №-3

«Tasdiqlayman»



**“O‘zmilliybank” AJ
Toyloq bank xizmatlari ofisi
markazi boshqaruvchisi
Q.Q.Ernazarov**

Toyloq tuman

2026 yil 23 Aprel

Majlis Raisi: “O‘zmilliybank” AJ Toyloq bank xizmatlari ofisi mudiri Q.Q.Ernazarov.

Qatnashdilar: O‘zmilliybank AJ Toyloq bank xizmatlari ofisi barcha xodimlari.

Kun tartibidagi masalalar:

1. “O‘zbekiston Respublikasi Tashqi iqtisodiy faoliyat milliy banki” AJ Axborot va bank xavfsizligi departamenti rahbarligida “ZOOM” orqali bo‘lib utgan yig‘ilish muhokamasi.
2. BXO xodimlari tomonidan odob ahloq qoidalariga rioya etilishi hamda o‘z lavozim vazifalarini belgilangan tartib va yo‘riqnomalar qat’iy amal qilgan holda bajarish yuzasidan.

(Q.Q.Ernazarov)

Yig‘ilishni “O‘zmilliybank” AJ Toyloq bank xizmatlari ofisi markazi boshqaruvchisi G.A.Djumanov ochib, “O‘zmilliybank” AJ Axborot va Bank Xavfsizligi Departamenti Direktori Sh.Muxamadkulov tomonidan utkazilgan yig‘ilishda bayon etilgan masalalar bo‘yicha to‘xtalib utdi.

Xususan joriy yilning mart va aprel oylarida “O‘zmilliybank” AJning Namangan, Andijon, Surxandaryo viloyatlari Bosh boshqarmalarida, bundan tashqari “O‘zmilliybank” AJning Farg‘ona viloyati Marg‘ilon BXOda faoliyat olib borayotgan bir nechta xodimlar tomonidan o‘z manfaatlarini ko‘zlab, noqonuniy yo‘llar bilan daromad orttirish maqsadida oldi-sotti ishlariga aralashish, bankomatlardagi va bank kassalaridagi naqd pul mablag‘larini o‘zlashtirish natijada huquqni muhofaza qilish idoralari tomonidan qo‘lga olinganligi va hozirda ushbu bank xodimlarini ustidan tergov jarayonlari olib borilayotganligi to‘g‘risidagi ma‘lum qildi va bu holat “O‘zmilliybank” AJ rahbariyatning jiddiy etirozlariga sabab bo‘lganligi, bu kabi holatlarga yo‘l qo‘ymaslik va keskin oldini olish yuzasidan qo‘shimcha vazifalar berilgani haqida gaprib o‘tdi.

Jumladan, bank tizimda sog‘lom muhitni ta‘minlash, xodimlar orasida poraxo‘rlilik va ta‘magirlikni oldini olish, kelgusida bu kabi holatlarga yo‘l qo‘ymaslik hamda bu borada amalga oshirilayotgan ishlarni keskin jonlantirish to‘g‘risida bir qator topshiriqlar berilganligini ma‘lum qilgan holda kun tartibi yuzasidan quyidagilarga to‘xtab, xususan, Korruptsiyaviy xavf-xatarlar,

unga sabab bo'luvchi omillarga oid ma'lumotlar bilan doimiy ravishda tanishib borish, lavozim yo'riqnomasida belgilangan vazifalarni mas'uliyat bilan ijro etish to'g'risida alohida ko'rsatmalar bergan holda, amalga oshirilayotgan fiscal vazifalarda Bank xodimlariga aloqadorlik darajasi to'laqonli tekshiruv va tahlillar qilish, xodimlar tomonidan yuqoridagi kabi holatlarga yo'l qo'yilgan taqdirda keskin choralar ko'rilish to'g'risida ogohlantirishlar va tegishli ko'rsatmalar berildi. Bankda korrupsiyaga qarshi murosasizlik muhitini yaratish uchun korrupsiyaning nopok illat ekanligi, bu qilmishning oqibatlari nimalarga olib kelishi, qonunchilikda qanday jazolar belgilanganligi bundan tashqari bankda korrupsiyaga duch kelganda qaysi ishonch raqamlarga va ijtimoiy saytlardagi saytlarimizga xabar berishi kerakligi to'g'risida ko'rgazmali ma'lumotlarimiz borligini ta'kidlab o'tdi.

O'zbekiston Respublikasi Prezidentining Korrupsiyaga qarshi kurashish bo'yicha milliy kengashning korrupsiyaning oldini olish bo'yicha ishlar natijadorligi va kelgusidagi ustuvor vazifalarga bag'ishlangan kengaytirilgan yig'ilishi banklarda korrupsiya, nepotizm, o'z ishiga mas'uliyatsizlik sabab juda ko'p korrupsion holat kelib chiqayotganligini, banklarda muammoli kreditlar salmog'i oshib ketayotganligini, banklarda iqtisodiy muammolar vujudga kelayotganligini, buning tub zahirida korrupsiya omili borligini aytib o'tdi. Jumladan, doimiy ravishda korrupsiyaviy xatti-harakatlarga oid ma'lumotlarni aniqlashini hamda bank xodimlariga aloqadorlik darajasi nuqtai-nazaridan dastlabki tekshiruv va tahlilni amalga oshirishda, "O'zmilliybank" AJ Bosh ofis va Bosh boshqarmalarning ayrim nopok xodimlari tomonidan o'z manfaatlarini ko'zlagan holda pul mablag'larini qonunga xilof ravishda korrupsiyaviy xatti-harakatlarini sodir etilayotganligini ma'lum qilib, "O'zmilliybank" AJ Andijon Bosh boshqarmasi boshlig'i o'rinbosari Muammoli kreditlarni undirish va yuridik muvofiqlashtirish boshqarmasi boshlig'i tomonidan hali bank balansiga olinmagan sud jarayonida bo'lgan o'zganing mulkini xaqiqiy qiymatidan ancha arzon qiymatda o'zga bir shaxsning nomiga o'tkazib berishni vada qilib, buni e'vaziga 40 000 AQSh dollari olayotgan vaqtda huquqni muxofaza qilish organlari tomonidan qo'lga olinganligini aytib o'tdi.

Hozirda ayrim hodimlar tomonidan belgilangan bank ichki tartib qoidalariga rioya etmaslik, o'z lavozim yo'riqnomasida belgilangan majburiyat va vazifalarga sovuqqonlik bilan yondashish oqibatida bankka moddiy zarar etkazilishiga sabab bo'lmoqda. Bu esa o'z navbatida bankning nufuziga ham o'z ta'sirini ko'rsatishini aytib o'tdi. Xususan joriy yilning mart oyida "O'zmilliybank" AJ Surxondaryo Bosh boshqarmasi tasarrufidagi Termiz amaliyot BXMning hisob kitob va biznesni texnik qo'llab quvvatlash sho'bası mudiri tomonidan noqonuniy ravishda bankomatlarga qo'yilgan mablag'larni o'zlashtirish holati sodir etildi. "O'zmilliybank" AJ Boshqaruvining 2024 yil 04-yanvardagi 673-son bilan ro'yhatga olingan "O'zmilliybank" AJ tizimida bankomatlarga texnik xizmat ko'rsatish, ularni naqd pul bilan ta'minlash va avtomatlashtirilgan shaklda valyuta ayirboshlash amaliyotlarini amalga oshirish tartibining 5-bandida Bankomatlarni naqd pul bilan ta'minlash hamda bankomatdagi naqd pullarni bank bo'linmasi kassa amaliyotiga topshirish tartibi keltirib o'tilgan. Tartibga asosan bankomatga naqd pul qo'yishda bankomatning tashqi kaliti hisob kitob va biznesni texnik qo'llab quvvatlash sho'bası mudirida, bankomatning seyf kaliti kassirda bo'lishi lozimligi, bankomatdan olingan naqd pullarning qoldig'ini kassa mudiriga topshirilishi bo'yicha biriktirilgan kassa xodimi javobgarligi keltirib o'tilgan. Kassa xodimlarining o'z ishiga loqaydligi va masuliyatsizligi va buxgalteriyada ma'sul xodimning ishda yo'qligidan foydalangan sho'ba mudiri tomonidan mazkur holat sodir etilishiga sabab bo'ldi. Mazkur holatlar sodir etilganligi achinarli ekanligini, ular

o'zining va yaqinlarining kelajagini o'ylamasdan, nopok ishlarga qo'l urganligini ma'lum qilib, har bir xodim o'zining lavozim majburiyatlarini amalga oshirish davomida o'rnatilgan ichki tartib qoidalariga qat'iy amal qilish lozimligi, bundan tashqari, xodimlar orasida sog'lom muhitni yaratish, xodimlarning shaxsiy xavfsizligiga hamda Bank sha'ni va imidjiga dog' tushirmaslik, bankning "Odob-axloq" talablariga muvofiq bo'lishlari, kasb odobiga rioya etishlari, ularning tashqi ko'rinishlari belgilangan standart talablarga muvofiq bo'lishi lozimligini ma'lum qilgan holda, barcha bo'lim rahbarlariga talabchanlikni oshirish lozimligini ma'lum qildi.

O'zmilliybank xodimlari tomonidan noqonuniy operatsiyalar bajarilishi, bank va mijozlarning mablag'larini o'zlashtirish xatarini oldini olish hamda "O'zmilliybank AJ ning 2020 yil 10 avgustdagi 126-sonli - "O'zmilliybank xodimlariga totalizator va azart o'yinlar o'ynashni taqiqlash to'g'risida" gi buyrug'a asosan O'zmilliybank xodimlarining "1xbet", "PokerStars" va boshqa onlayn totalizator hamda azart o'yinlarni o'ynash bilan bog'liq hatti-harakatlari ish beruvchi tomonidan xodimga nisbatan ishonchning yo'qolishi uchun asos hamda bank xodimi ish etikasi va ishdagi odob-ahloq tamoyillariga zid deb hisoblanishi: O'zmilliybank xodimlari tomonidan "1xbet", "PokerStars" va boshqa onlayn totalizator hamda azart o'yinlar o'ynalishi O'zmilliybank ichki mehnat tartibi qoidalarini bir marta buzganlik uchun mehnat shartnomasini bekor qilish uchun asos bo'lib, hisoblanishi keltirib o'tilgan. Joriy yilning 13 aprel sanasida "O'zmilliybank" AJ Farg'ona bosh boshqarmasiga qarashli Marg'ilon BXOning valyuta ayirboshlash va kassa amaliyotlari sho'basi kassiri O.Abduraimov tomonidan bank kassasidan jami 274 000 000 so'mni o'g'irlab, internet tarmog'idagi **Linebet** totalizator o'yiniga tikib yuborganligi ma'lum bo'ldi. Yuqorida nomlari keltirilgan va shu kabi totalizator o'yinlariga o'ynamaslik bo'yicha har bir ishga yangi qabul qilinayotgan xodimlarga, bundan tashqari har bir xodimlarga doimiy tushintirish ishlari olib borilishi lozimligi haqida aytib o'tildi.

Sh.Muxamadkulov o'z so'zini davomida bankning ayrim xodimlari ichki yo'riqnoma talablariga rioya etmasdan mijozlarning kredit qarzdorligini so'ndirish maqsadida, ulardan naqd pul olish yoki mablag'larini o'z plastik kartalariga o'tkazish yo'li orqali vositachilik qilish va olingan mablag'larni esa bankka o'z vaqtida topshirmasliklari, bank xodimlari o'z lavozimini suistemol qilgan xolda mijozning mansabdor shaxslari bilan til biriktirib kredit mablag'larini o'zlashtirish, monitoringini (dastlabki,joriy) normativ-huquqiy hujjatlarga zid ravishda yuzaki o'tkazish, mulkni to'liq xatlovdan o'tkazmaslik (narxi, holati, joyi), garovga olinayotgan mulklarni bozor narxida baholanmasligi va uning oqibatida nolikvid aktivga aylanishi, mijozlarning habarisiz ularning nomlariga kredit rasmiylashtirilib, ajratilgan pul mablag'larini talon-taroj qilinayotganligini aytib o'tdi.

Bank Xavfsizligi Departamenti Direktori Sh.Muhamadqulov barcha xodimlar yuqori kayfiyatda ish olib borish kerakligini hamda kredit bo'limi xodimlari va valyuta-ayirboshlash va kassa amaliyotlari sho'basi xodimlari, hamda bankning barcha xodimlarining mas'uliyatlarini oshirishi kerakligini tushuntirib, korrupsiyaga qarshi kurashish bo'yicha ko'rsatmalar berib, ogohlikka chaqirdi va yig'ilishni yakunladi.

Yig'ilish so'nggida Pastdargom bank xizmatlari markazi boshqaruveshi Q.Q.Ernazarov "O'zmilliybank" AJ rahbariyati tomonidan xodimlar uchun barcha shart-sharoitlar yaratilganligi xodimlar tomonidan korrupsiya, tamagirlikka yo'l qo'ymasdan yaxshi ish tashkil etishlari to'g'risida ko'rsatmalar berib o'tdi.

Yuqoridagilardan kelib chiqib,

QAROR QILADI:

1. "O'zmilliybank" AJ Axborot va bank xavfsizligi departamenti direktori Sh.N.Muxamadkulov o'tkazilgan yig'ilishda berilgan ko'rsatmalari ma'lumot va ijro uchun qabul qilinsin.

2. Bank xizmatlari markazi boshqaruvehi o'rinbosarlari tomonidan barcha xodimlarining o'z lavozim majburiyatlarini vijdonan va pok amalga oshirishlari, korrupsiyaviy va manfaatlar to'qnashuvi holatlarining har qanday ko'rinishlariga nisbatan muvosiiz munosabatda bo'lish va unga qarshi ayovsiz kurashish maqsadida huquqiy savodxonligini rivojlantirish bo'yicha targ'ibot ishlari amalga oshirilsin.

3. Bank xodimlari mijozlar bilan munosabatlarda korrupsiyaviy holatlarning kelib, chiqishini oldini olish, hamda har bir bunday holatlar, markazining barcha xodimlarining korrupsiyaviy qarshi kurashish va komplains nazorat bo'yicha bosh mutaxassisiga axborot berish ta'minlansin.

4. Barcha xodimlar yuqoridagi talablarga rioya etmagan taqdirda, xodimlaridan olingan kafolat xatlariga asosan O'zbekiston Respublikasi Mehnat kodeksining **161-moddasi talablariga** asosan mehnat shartnomasini bekor qilishga hamda O'zbekiston Respublikasi Jinoyat kodeksining tegishli moddalariga asosan jinoiy javobgarlikga tortilishi to'g'risida ogohlantirilgan to'g'risida tushuntirilsin.

5. Ushbu yig'ilish qarorini barcha xodimlarga tanishtirib chiqish vazifasi Chakana xizmatlar ko'rsatish sho'basini yetakchi mutaxassisi T.Sottorov zimmasiga yuklatilsin.


6. Ushbu yig'ilish qarorida belgilangan topshiriqlar ijrosini nazorat qilishni o'z zimmasida qoldiraman.

Majlis kotibi:



T.O'.Sottorov

**O'zmilliybanki AJ Toyloq bank xizmatlari ofisining 2026 yil 23 apreldagi № 3 sonli yig'ilish bayonni
bilan tanishgan xodimlar
RUYXATI**

T/R	F I O	Lavozimi	Imzo
		Mahallabay ishlash guruhi	
3	M.M.Mardonov	Loyiha menedjeri-mahalla bankiri	
		Chakana amaliyotlar bo'limi	
10	M.I.Sobirov	Bosh mutaxassis	
11	T.O'.Sottorov	Yetakchi mutaxassis	
		Valyuta-ayirboshlash va kassa amaliyotlari sho'bas	
14	O'.Sh.Nazaqosimov	Kassir	
15	M.Ya.Xudoyberdiev	Kassir	



Микрозаймы от НБУ — быстрый источник
финансовой поддержки

QR code

НБУ.МЗ
т. 1344
т. (78) 148 00 10